
 SPONGIÆ, ALIARUMVE SUBSTANTIARUM PRÆPARATIO.

SPONGIA PRÆPARATA.

Hæc substantia est Nidus mollis elasticus Zoophyti, STIRPS OFFICINALIS dicti.

SPONGIA exsiccata et ab heterogeneis adhærentibus probe purgata eximii usus est per se ad lavanda vulnera post operationes chirurgicas et ad mundanda ulcera; nec non ad ulcera aut abscessus profuse suppurantes, illam superponendo linteo carpto.—Ad hæmorrhagias sistendas applicando frequenter spongiam aqua frigida vel aceto madidam.—Ad prolapsum uteri forma pessarii.—In paralyti sphincteris ani vel vesicæ ad urinam excipiendam vel effluxum fæcum impediendam. Servit etiam ad fetus frigidos vel calidos applicandos, ad collyria oculo applicanda etc.

Humectata dein filo arcte circumdata et sic *per se* siccata; aut ceræ flavæ calidæ

566 LYCOPARDON BOVISTA.

liquefactæ immersa, dein fortiter expressa et sub prelo frigefacta, postea in portiones variæ magnitudinis et formæ concisa egregii usus est pro *Turundis*, quæ vulnerum, ulcerum aut fistularum orificiis angustis immissæ eadem intumescendo dilatant, et sic puri exitum liberum creant.

BOLETUS LARICINUS.

————— IGNIARIUS.

Hi Boleti a cortice externo albo et duro, nec non a substantia fistulosa probe separantur; dein discissi ictibus mallei repetitis contundantur, donec adeo mollescant, ut in portiones minores discindi possint.

Usus : Hæmorrhagiæ ex arteria aut vena majori vulnerata.

LYCOPERDON BOVISTA.

Parenchyma molle spongiosum ac pulverulentum quod sub cute externa est, separatur et usui servetur.

Usus *inspergendo* : Hæmorrhagia ; hæmorrhois ; ulcera ; intertrigo.

M O X A.

In oriente paratur ex foliis Artemisiæ vulgaris probe in umbra siccatis, quæ dein contusa manibus tamdiu perfricantur, donec species lanæ formetur, quæ addito pauxillo moschi, aut alius substantiæ odoriferæ in conos formatur. In Europa hodie ut plurimum ex gossypio conficitur, quod solutioni nitratis potassæ saturatæ immersum, dein exsiccatum in cylindros quatuor pollicum longos et unius pollicis diametri formatur. Cylinder talis in tubum ex charta crassiori confectum immititur, et parti affectæ applicatus accenditur, et durante combustione sic facile digitis applicata tenetur. Postquam gossypium ad ultimam portionem usque consumptum fuerit, pars usta unguento digestivo tegitur.

Usus in omnibus morbis ubi ferrum candens seu cauterisatio utilis inventa fuit, præ-